



01. oktober 2019

UKA2019/66

Inatsisip nr. 262, 16. marts 2016 ilanngunnissaannut, selskab-it inatsisaata, inuussutissarsiuutigalugu suliffeqarfiutilinnut inatsisaata, inuussutissarsiuutigalugu fond-it inatsisaata, inatsisillu tamaalaat (Piginnittuiit nalunaarsornissaat eqqunneqarnissaanut) allanngortinnissaat anguniarlugit Naalackersuisut, Danmark-ip Naalackersuisuinut attaveqarnissaannut peqqunneqarnissaannik, Inatsisartut aalajangiiffigisassaattut siunnersuut.

(Aleqa Hammond, Nunatta Qitornai)

Partii Naleqqamit siunnersuutigineqarnermikkut ingerlatseqatigiiffinni piginnittuusuminnut paasisutissaqartitsisarnissaq nalunaarsuisarnissamullu pisussaaffeqarnissaq piginnittuussutaasut eqqortut anguniarneqarnissaat pisaasa ilagaat.

Ukiorpaalunngortuni pisortanit ingerlatat selskabit inatsisaat, inuussutissarsiuutigalugu suliffeqarfiutilinnut inatsit, inuussutissarsiuutigalugu fondit inatsisaat, inatsisillu inatsisaat (piginnittuiit nalunaarsornissaat eqqunneqarnissaannut) anguniarlugit suliniarneq ingerlasimavoq assigiinngitsullu peqqutigalugit suli piviusunngorsimanani.

Maanna siunnersuuteqarnikkut suliat inatsisartutigoortumik suliakkiutigineqarnerat suliap pilertornerusumik aqqiivigineqarsinnaanera aqqutissiuunniarneqalerpoq.

Siunnersuuteqartut tunngavilersuutai paasinaqaat aammalu taperserpavut.

Naalackersuisunit suliap ingerlanneqarneranut naapertuuttut assortorneqanngitsullu paasinarpoq. Justitsministeriaqarfik aammalu erhvervsministeriaqarfik attaveqarfigineqarlutik suleqatigineqarnerat paasinarpoq aqqissuussinermilu aqqusaarsimasat naalackersuisunit eqqummaariffigineqarnerat tusarluarnarpoq.

Inuussutissarsiornermut aqutsisoqarfik suliniummik aallartitsisimavoq inerneriumaagassaalu inatsisartut ukiaanerani 2020-mut qaqqinneqarnissaanut pilersaaruteqarnerat erserluni. Taamaasiluni siunnersuuteqartut naalackersuisullu suliniummut ataatsimut paaseqatigiiffiusumut siunnersuuteqarnerat taperserparput.

Siunnersuuteqartut tunngavilersuutaasa anguniaqqusaalu qulakkeerumallugit ataatsimiititaliap sulinermini isumaliutissiisutikkut qulakkeerneqarnissaat kaammattuutigalugu siunnersuut taperserparput.